

07 FEB 2003

MALAYSIA UCAP TAHNIAH KEPADA GRENADA SEMPENA HARI KEMERDEKAAN

KUALA LUMPUR, 7 Feb (Bernama) -- Yang di-Pertuan Agong Tuanku Syed Sirajuddin Syed Putra Jamalullail mengutuskan ucapan tahniah kepada Gabenor Besar Grenada Sir Daniel Williams sempena ulang tahun ke-29 Hari Kemerdekaan negara itu hari ini.

Menurut kenyataan Wisma Putra Perdana Menteri Datuk Seri Dr Mahathir Mohamad juga menghantar perutusan serupa kepada rakan sejawatannya Keith Mitchell dengan harapan negara itu akan terus menikmati keamanan dan kemakmuran.

Beliau berharap persahabatan dan kerjasama yang terjalin antara kedua-dua negara akan diperkukuhkan dengan kunjungan Mitchell ke Malaysia sempena sidang kemuncak Pergerakan Negara-negara Berkecuali (NAM) ke-13 di sini bulan ini.

Menteri Luar Datuk Seri Syed Hamid Albar, dalam perutusannya kepada rakan sejawatannya Elvin Nimrod, berkata beliau berharap hubungan baik sedia ada antara kedua-dua negara dapat ditingkatkan lagi.

-- BERNAMA
AZZ AZZ NAK